

周
官
恒
解

周官恆解卷六

考工記

雙流劉沅輯註

六官有冬官冬之爲言終也歲序至此而終天地生成之功已畢陽氣內含陰氣外沍養其一元之氣爲來春發生之本而無迹象可尋有空之意聖人法天治民民間農事既畢則於此時度地居民立城邑治溝洫川梁儲來歲之利故曰以富邦國以養萬民秦火以後其籍不傳漢河間獻王得考工記附於五官之末蓋謂工亦冬時爲宜非卽以爲冬官也按周時民皆授田土農工商皆受比閭族黨之法其德行道藝備者升於司徒司馬而爲良佐其道德不足而工於才藝者則給事官府詩言上入執宮功在我稼既同之後文王爲靈臺庶民子來卽其民爲之非若後世別有工商也且諸侯各君其國各予其民凡有工作皆使其民亦非如後之藝事轉徙流通於天下此書文義古樸自是先秦以上之書而古人工作之制猶可得其彷彿固宜歷代珍之然其

法多不合於今時者蓋聖人之所以爲聖惟此心此理與天地通而倫常禮樂義極其粹至於才技之長固有不及乎中人者智巧創述今人每多優於古人固不可以是爲軒輊尤不可執古制以相苛也記云考工豈周時課工良苦之法歟

國有六職百工與居一焉或坐而論道或作而行之或審曲面勢以飭五材以辨民器或通四方之珍異以資之或飭力以長地材或治絲麻以成之

與音預執音勢飭音勅辨皮竟反長知丈反下

同

自天子以至於庶人宮室衣服器具無一不需於工故唐虞設共二之官而周則統於司空大司徒以一物資興萬民藝居其一禮樂射御書數能其事者或亦工其器則六職而百工居一亦有其理坐而論道作而行之

則該乎六德六行之選矣審曲面執以下百工之事而賈氏卽以此爲六職非六職者六官之職與居其一其中工之事居多也審曲面執審其曲直方面形執五材金木水火土之物民器民生日用之器珍異金玉珠繡之屬有當於禮樂之器用者四方各有所產故通之物有待人力而成者則飭其盡力而長之絲麻必治而後成

坐而論道謂之王公作而行之謂之士大夫審曲面執以飭五材以辨民器謂之百工通四方之珍異以資之謂之商旅飭力以長地材謂之農夫治絲麻以成之謂之婦功

申明上文之事非以此爲六職也三公論道經邦其體最尊謂之王公者道足左右王猶言王之公也春秋五等之爵葬皆稱公其他不必爲王公而凡坐論之事能起而行之則以士大夫統之二者無常職不得以職目

之其百工商旅農夫婦功則各有專工卽該百工於其中矣

粵無鑄燕無函秦無廬胡無弓車粵之無鑄也非無鑄也夫人而能爲鑄也燕之無函也非無函也夫人而能爲函也秦之無廬也非無廬也夫人而能爲廬也胡之無弓車也非無弓車也夫人而能爲弓車也知者創物巧者述之

守之世謂之工

粵越同鑄音博函戶南反廬魯吳反知音智大音扶

無鑄函廬四者四國工爲是器無能以技名也鑄田器函鎧也廬讀爲纁謂矛戟柄竹橫秘夫人而能人人皆能也不須置國工粵地塗泥多草蕋而山出金錫民工鑄冶燕近強胡習作甲冑秦多木善作矜桡匈奴習於田獵畜牧皆知爲弓車凡有智慧能創物以爲民用及巧而善述世守其業者皆謂之工

百工之事皆聖人之作也爍金以爲刃凝土以爲器作車

以行陸作舟以行水此皆聖人之所作也

爍始灼反

此又言百工之原大半皆出於聖人如刃器舟車等其利甚溥非聖人不能作而

意者亦可謂之工舊說誤解爍鎔鑄凝堅製也

天有時地有氣材有美工有巧合此四者然後可以爲良

時有寒溫氣有剛柔材有美惡工有巧拙合四者而善成之乃可以爲良

材美工巧然而不良則不時不得地氣也橘踰淮而北爲

枳鸛鵒不踰濟貉踰汶則死此地氣然也鄭之刀宋之斤

魯之削吳粵之劒遷乎其地而弗能爲良地氣然也

枳諸氏反

鵲其俱反鵲音欲濟子禮反貉戶

各反汶音問削思約反又思詔反

橘枳相類而氣味不同江南為橘江北為枳鵲鵲產南

方汶濟水在齊魯間踰濟自南而北貉狐屬產北方汶

水入於濟踰汶自北而南還乎其地去此地而

作之不能為良物質與水火土之功用異也

燕之角荆之幹妨胡之筈吳粵之金錫此材之美者也古

干反妨胡云反筈

古老反音讀為橐

郝氏敬曰角牛角可為弓材燕地寒角堅實鄭康成曰

荆荆州幹柘也可為弓弩之幹妨胡胡子之國在楚旁

筈矢

幹也

天有時以生有時以殺草木有時以生有時以死石有時

以泐水有時以凝有時以澤此天時也泐音勒澤音釋又音亦

鄭康成曰言百工之事當審其時也鄭氏
眾曰勑石解散也夏時盛暑大熱則然

凡攻木之工七攻金之工六攻皮之工五設色之工五刮

摩之工五搏埴之工二

刮古八反搏音
團埴時職反

攻治也設色敷布其采色刮摩刮去而摩鑢也
七六五二之數因其事之輕重而約舉其概

攻木之工輪輿弓廬匠車梓攻金之工築冶鑄段桃攻

皮之工函鮑鞞韋裘設色之工畫績鍾筐幌刮摩之工玉

櫨雕矢磬搏埴之工陶旒

櫨古栗字段下亂反鞞音運績
戶對反幌莫黃反櫨側筆反旒

甫罔反

申明上文工數大約有此數等才技各有專精故別之
如此廬戈戟柄類築為削者治為鐻者梟為鍾者栗為

量者段爲鑄者桃爲劍者函爲甲者鮑治皮鞞爲鼓帛
爲皮條者裘爲裘者畫畫於物綸綸於衣裳鍾染鳥羽
筐設色於筐筐帆染絲者玉玉工
枳爲節杖者雕雕刻旒爲簋者

有虞氏上陶夏后氏上匠殷人上梓周人上輿故一器而
工聚焉者車爲多

舜時質故貴陶器棺亦以瓦爲之禹平水土宮室之制
始興故上匠殷上梓以爲禮樂之器周上輿以辨尊卑
各因其時敝而爲之者也

車有六等之數車軫四尺謂之一等戈楸六尺有六寸旣
建而進崇於軫四尺謂之二等人長八尺崇於戈四尺謂
之三等戈長尋有四尺崇於人四尺謂之四等車戟常崇

於父四尺謂之五等酋矛常有四尺崇於戟四尺謂之六

等車謂之六等之數楊兵嫌反有音又下凡言尺寸者並同也

則康成曰此謂兵車也軫與後橫木楊氏恪曰軫本與

後橫木之名而通與下四而皆可謂之軫其形則方故

曰軫方象地與下之軾亦以與後橫木為度秘柄也連

邪倚也兵車容三人中御左挾弓矢右雖主擊刺亦時

下推車持輪不常持兵車戰惟利弓矢必車轂相錯然

後短兵相接故建戈於車右以備用其受戟矛皆插車

騎建而不連崇高也人長八尺立於車上又高於戈四

尺及長丈二倍尋曰常會矛夷矛皆刺兵御案上文

曰車有六等之數嫌車之制有六等故申明之戈人受

會矛非車之數也以其在車中故並謂為車之等數

凡察車之道必自載於地者始也是故察車自輪始

車必賴輪而行
政察車自輪始

凡察車之道欲其機屬而微至不機屬無以爲完久也不微至無以爲威速也輪已崇則人不能登也輪已庫則於馬終古登阨也故兵車之輪六尺有六寸田車之輪六尺有三寸乘車之輪六尺有六寸六尺有六寸之輪軹崇三尺有三寸也加軹與轆焉四尺也人長八尺登下以爲節

屬章欲反威音促庫音婢又音卑阨丈爾反又堂何反乘繩證反軹音只轆音卜又音僕

機屬附著堅固貌威速行疾也輪止六尺六寸太高則人不能登太卑則馬難引常如登阪終古常也阨阪也兵車草路田車木路乘車玉路金路象路其輪之崇卑以馬大小爲節夾車兩旁而圓轉者曰輪輪之外輶而行之者曰牙牙之中直指湊轂者曰輻輻之所湊而貫軸利轉者曰轂轂內之大穿曰賢小穿曰軹軹與後橫

上上連輿底下鉗軸為駕脫之用者曰輳一曰伏兔兵車乘車輪高六尺六寸輳是軸頭處輪之中央故崇三尺有三寸加軫與輳二者七寸則得四尺人長八尺正及人身之半故升降以此為節也

輪人為輪斬三材必以其時三材既具巧者和之轂也者以為利轉也輻也者以為直指也牙也者以為固抱也輪

做三材不失職謂之完

牙五嫁反又午加反

三材所以為轂輻牙也斬材必以其時乃可堅久和合而成之王氏昭禹曰轂中虛而有容故有取於利轉輻實輪而湊轂故有取於直指牙周環轂輪以運行故有取於固抱輪已做矣而轂輻牙各相支持不失其職則材美工巧可知故謂之完

望而眡其輪欲其輶爾而下進也進而眡之欲其微至也

無所取之取諸圍也

圍于權反

輪牙也望遠視進近視也圍均至貌微至至地者少也非有他也圍使之然也

望其輻欲其單爾而織也進而眊之欲其肉稱也無所取

之取諸易直也

單音蕭又音朔稱尺證反易以鼓反

鄭康成曰單織殺小貌賈氏曰凡輻皆向轂處大向牙處小單織據向牙處小者而言肉稱猶勻稱易無挫損

直無撓曲

望其轂欲其眼也進而眊之欲其幘之廉也無所取之取

諸急也

眼魚怨反幘音贈又音濤又音喘

眼哭出貌幘轂之章章急則褻之廉剛見

眡其綆欲其蚤之正也察其蕃蚤不齟則輪雖敝不匡

綆音

餅又歌冷反蚤音爪蕃側

鄭氏眾曰綆輪算也匡枉也

御案圓物之中隆而四

周下者謂之算賈氏公彥曰凡造車輪皆向外算則車

不掉爪入牙中鑿孔必正不隨邪凡損物於地謂之蕃

輪入轂中似植物地中亦謂之蕃人齒參差謂之齟此

三十輻之蕃入轂與蚤入牙一一相當不相侂反是不齟也如此輪雖敝盡不匡刺

凡斬轂之道必矩其陰陽陽也者稹理而堅陰也者疏理

而柔是故以火養其陰而齊諸其陽則轂雖敝不斂轂小

而長則柞大而短則摯

稹之忍反一音真歆黑各反又呼報反柞莊百反摯魚列反

矩刻識之也欲斬轂之時先就樹刻之記其向日為陽背日為陰之處稹理文理細密以火炙其陰柔之處使

其堅與陽者等則以之為轂雖敝而不斷暴柞窄隘擊危繫也小而長則輻間柞狹大而短則轂末淺短不得

半堅

是故六分其輪崇以其一為之牙圍參分其牙圍而漆其二梓其漆內而中誑之以為之轂長以其長為之圍以其圍之防指其蔽五分其轂之長去一以為賢去三以為軹

誑即勿反助音勒指音蕭數素口反去起呂反一作二

輪崇六尺六寸六分之一得一尺一寸牙有四面皆崇一尺一寸漆其二而留其一不漆其踐地者梓郭同遇遭也除其不漆者於其漆者而遇遭計之得六尺四寸再中誑之止得三尺二寸以此為轂之長即以此為轂之圍遇於轂之外當輻入處謂之蔽指除也於三寸二分之中除其一以為蔽留其二以受輻凡受輻之處內大

而外小大穿曰賢小穿曰軹五分其轂而長以其
二為賢以其三為軹則轂體堅而無破裂之患

容轂必直陳篆必正施膠必厚施筋必數疇必負軫既摩

革色青白謂之轂之善篆直轉反
數色角反

容形狀也篆以革約轂而施采焉數密也疇覆軫者負
幹皮負木也即上文所云廉急也以其形而言木無偏
屈以其約而言革無邪逸以其制而言施膠為粘必厚
施筋為束必密包之以革必皮木緊附摩革者以骨灰
和漆先塗之又漆之待漆乾
用石摩之其色青白則為善

參分其轂長二在外一在內以置其輻凡輻量其鑿深以
為輻廣輻廣而鑿淺則是以大抗雖有良工莫之能固鑿
深而輻小則是固有餘而彊不足也故竝其輻廣以為之

弱則雖有重任轂不折參分其輻之長而殺其一則雖有

深泥亦弗之濂也

量音良反濂作黏女廉反

置輻於轂相去內外遠近之法參分其轂如轂長三尺二寸者令輻廣三寸半則輻內九寸半輻廣一尺九寸凡輻盤之淺深必與輻之廣深相稱盤有淺深以轂之圓有大小也圖小盤深而輻廣則盤之銜輻不固圖大盤深而輻小則輻之支轂不強抗搖動彊不足輻弱不勝轂之所任也茲謂度之弱蓄之沒於盤中者度其輻之廣狹以爲蓄之大小長短則蓄與輻其力相稱雖任重載轂亦不毀參分殺一者假令輻入轂之中其外長三尺殺其一尺以向牙則本粗末細以細者入於泥之中故泥不黏滯輻也

參分其股圖去一以爲轂圖揉輻必齊平沈必均直以指

牙牙得則無槩而固不得則有槩必足見也六尺有六寸

之輪經參分寸之二謂之輪之固

散不教反又苦教反揉如九反又音柔樂魚列

反一音渾

見賢遍反

人身脛近足者細於股謂之散此以輻之近轂者為股
近牙者為散蓋即股與散以喻其粗細也參分去一者
假令輻近轂處圍六寸其近牙處則圍四寸也揉以火
槁之使眾輻直齊如一平沈以水浮之必均輕重如一
也直以指牙者直而又於牙之少偏向外則入牙之柄必
輻之指牙者直而又於牙之少偏向外則入牙之柄必
內邊缺三分寸之二以為倨句柄之縱而長者為倨橫
而短者為倨倨句鑿柄相合無間是牙得也禁撥也無
禁而固甚言其固足見謂下露也經即輻之降起處
御案上文言眊其纓於蚤之正則牙孔不偏可知牙孔
不偏而輻蚤缺三分寸之二缺邊何內是以蚤雖
正而牙已偏向外輻股隆起而算矣固安固不搖

凡為輪行澤者欲杼行山者欲倅杼以行澤則是刀以割

塗也是故塗不附侔以行山則是搏以行石也是故輪雖

微不黏于鑿凡揉牙外不廉而內不挫旁不腫謂之用火

之善音鱗挫反擣音團類音各一

杆謂削薄其踐地者侔謂上下相等澤多淫以杆行澤

如以刀割泥而塗不粘也山多石以侔行山如以團滾

石而磨不磷也團圓厚類微也鑿謂輪中輪厚故石雖

齧輪傷其旁而不能傷其中木必揉之而後可以成牙

是故規之以眡其圓也萬之以眡其匡也縣之以眡其輻

之直也水之以眡其平沈之均也量其數以黍以眡其同

也權之以眡其輕重之侔也故可規可萬可水可縣可量

可權也謂之國工

萬參禹反

輪中規則圓萬萬葉一名枸葉所以止車輪者匡邪枉也鄭康成曰輪輻三十上下相直從旁以繩縣之中繩則正輻直矣輪既成兩輪俱置水中觀其四畔入水均否凡中空處皆可名數以黍量之既其容受同否權稱鍾也兩輪輕重不同則引之有礙以權稱之使同國工一國之良工也

輪人為蓋達常圍三寸程圍倍之六寸信其程圍以為部

廣部廣六寸

部長二尺程長倍之四尺者二

程音盈信音申廣古曠反

蓋車蓋其體圓故亦使輪人為之蓋柄有兩節達常蓋柄上節程蓋柄下節礙於達常一倍向上含達常部蓋斗也四面盤孔內蓋弓者廣徑也取在下程之圍以為在上部之徑故曰信部徑六寸則其圍尺有八寸矣長二尺之部即達常也以其入部中遂名為部御案不日達常二尺而曰部長者下文言蓋崇十尺此曰部長

周官解

卷六

考工記

十

二尺則知達常與程合而爲十尺部之二尺達達常記之也蓋之柄必分爲二節者時張時弛以便事也古法蓋弓無中斷線貫之節故柄納於部鑿而不可移動非若後世之蓋弓可開而可合也達常長四尺程長倍之四尺者二則八尺矣合達常與程計得十尺達常入程中者尙有二尺程之入與底者又當有數寸又有鍵以固之是以雖有疾風而莫之搖此記但以

其可見者言之而不計其不可見者也

十分寸之一謂之枚部尊一枚弓鑿廣四枚鑿上二枚鑿下二枚鑿深二寸有半下直二枚鑿端一枚

枚一分也蓋斗上隆高高一分此一分在厚一寸之上達常所不入處蓋如弓形故謂之弓廣大也四枚通上下左右言之皆四分其形正方也鑿弓孔也孔廣四方上二分下二分鑿深二寸半則相對爲五寸下直二分者鑿空下正而內畔則上低二分也鑿端一枚者部之體圓弓鑿非以漸而殺則不能容也賈氏公彥曰此言

蓋斗內弓之鑿孔內
外高下廣狹之度

弓長六尺謂之庇軼五尺謂之庇輪四尺謂之庇軫參分
弓長而揉其一參分其股圍去一以為蚤圍參分弓長以

其一為之尊

庇筆
肄反

庇覆也弓之短長不一故其庇於車者廣狹不同弓長
六尺三分其數而揉其近部二尺使平揉其四尺為字
曲以吐水弓近部平者謂之股猶輻近轂之為股字曲
之末謂之蚤猶輻入牙之為蚤以三分之近部者為近
末者細尊高也以其一為之尊者三分
弓之長除股蚤四尺而其二尺微高也

上欲尊而字欲卑上尊而字卑則吐水疾而雷遠蓋已崇
則難為門也蓋已卑是蔽目也是故蓋崇十尺長蓋弗冒

弗絃殷敵而馳不隊謂之國工
卑如字一音婢雷力又反絃戶堪反殷音隱隊直類反

上近部長二尺者宇持處長四尺者蓋亦蔽日而以蔽雨爲主上高而下卑則去水疾而雷亦遠雷如屋之雷也車出入必出門蓋太高則門不能容人立乘乎車太卑則日無所見弗冒弗以衣覆之上密緻而不漏也弗絃弗以繩繫之柄堅而不可搖也殷中也如或中取而馳東西南北任其所之不至於隊則蓋之良者其上乃也

輿人爲車輪崇車廣衡長參如一謂之參稱稱尺證反

輿車底也上古聖人觀轉蓬而爲輪輪行不可載加板以載物則爲輿合軸輪轂言之統名曰車而車輿可互稱矣此言輿人爲車車以輿爲主中載物者爲輿行地者爲輪車前駕馬者爲衡參如一三者俱六尺有六

寸也

參分車廣去一以爲隧參分其隧一在前二在後以揉其式以其廣之半爲之式崇以其隧之半爲之較崇六分其廣以一爲之軫圖參分軾圖去一以爲式圖參分式圖去一以爲較圖參分較圖去一以爲軾圖參分軾圖去一以

爲軾圖

隧音遂較古學反軾音對

隧與之深也與橫六尺六寸三分其廣而去一則四尺四寸也於隧三分之一在前二在後在前者尺四寸有奇揉之以爲式式車前橫木人所憑者在後三之二者較也較橫於車之兩旁下與軾之植者相貫式在前面低較在後面高以式低較高望之若兩重然故亦曰重較較在旁亦可憑人直立則稍向後而一手可以憑較

倭躬則稍向前而兩手可以憑式以其廣之半爲式高三尺三寸以其隧之半爲較高五尺五寸軫輿後橫木六分其廣爲一尺一寸是軫之闊也三分軾圖去一以爲式闊則七寸三分有奇三分式圖去一以爲較高三寸九分有奇三分較圖去一以爲軾圖三寸六分有奇軾在兩旁較在軾上軾則植者與衡者午貫而上承較軾狀與軾同但在式木之下以對人爲名三分軾圖去一以爲軾圖二寸四分有奇

園者中規方者中矩立者中縣衡者中水直者如生焉繼

者如附焉凡居材大與小無弁大倚小則摧引之則絕棧

車欲弇中知仲反飾車欲侈縣音懸居如字一音據
并必政反棧士版反弇於檢反

言治材如此乃善也中縣如懸繩之直中水如止水之
平如生如地中生木深固而不可搖如附如枝條附幹
一片而不可析居材卽治材鄭康成曰并偏邪相就也
大材弁於小者小者強不堪則摧小弁於大者小者力

一片而不可朽居材飽汙材斂庸成曰并偏邪相斂也
大材弁於小者小者強不堪則摧小弁於大者小者力

不堪則絕棧車士所乘者身上狹下濶欲弁以無草鞮
不堅而易敗也簡車大夫以上所乘者侈謂侈張向外
欲侈者以有革鞮
雖侈而無害也

駟人爲駟駟有三度軸有三理國馬之駟深四尺有七寸
田馬之駟深四尺駑馬之駟深三尺有三寸軸有三理一
者以爲嫩也二者以爲久也三者以爲利也

駟張留反
駑音奴

駟車輶也三度車輶淺深之數輪心直木爲軸三理選
材之法國馬種馬戎馬齊馬道馬也國馬高八尺駟深
四尺有七寸駟頸在衡之上衡下有輓輓亦非直壓馬
頸必有物以承之其間消去七寸而衡與馬頸相屬矣
輓卽論語所謂軌以曲木爲之田馬高七尺故駟深四
尺駑馬高六尺故駟深三尺三寸車之高下不同其衡
頸用力同是以不別
寸也嫩幹直理密久堅也利滑也

周官恆解

卷六

考工記

圭

軌前十尺而策半之凡任木任正者十分其軻之長以其
一爲之圍衡任者五分其長以其一爲之圍小於度謂之
無任五分其軻間以其一爲之軸圍十分其軻之長以其
一爲之當免之圍參分其免圍去一以爲頸圍五分其頸
圍去一以爲踵圍凡揉軻欲其孫而無弧深

胡

軌軻同音犯
孫音遜弧音

軌輿前任正之橫木策御者所執凡任木統下任正與
任衡言之任者用力任重之意車以輿爲正故輿下前
及左右三材爲任正以其力持輿之正載處也衡任者
上鈎於軻下屬於馬以引車衡之力也軻之長也軌前
十尺與踵四尺四寸凡一丈四尺四寸十分其長則任
正之圍尺四寸五分寸之二也衡任長六尺六寸五分

其圖長一尺三寸有奇無任不勝任軫間即車廣亦長六尺六寸分其一亦一尺三寸有奇與下橫軸之處名伏兔轉當伏兔者也十分其轉以爲圓亦一尺四寸五分寸之二與任正相應預前持衡者三分兔圓去其一則九寸六分有奇踵後承軫者五分頸圓去其一則七寸七分有奇揉以火揉之使曲而又水之也孫順理也弧木弓也無得如弧之深以其太曲也

今夫大車之轅擊其登又難既克其登其覆車也必易此無故唯轅直且無撓也是故大車平地既節軒擊之任及其登陲不伏其轅必綏其牛此無故唯轅直且無撓也故登陲者倍任者也猶能以登及其下陲也不援其即必綏其牛後此無故唯轅直且無撓也

以轅竹二反覆芳服反易以鼓反綏一計反兜丁

禮反緒

音秋

大車牛車也。攀低也。言大車之轅低而難上，上難則易於覆，以其轅直而不曲也。節準也。地阪也。大車利行平地，若登阪則宜制伏其轅，如牽車者不能伏其轅，則車後仰而牛之吭膺間束絆者必若絞綫矣。倍加倍倍任用力倍緒猶絆也。牛車下阪尤難，必手援輿底之向前者，以輕其任，若不援其底，則任重勢猛，其車崩奔必稍其牛後矣。此借牛車之轅以明兵車乘車之轅不可不曲之意，非謂牛車之轅亦當曲也。

是故駟欲順，典駟深則折，淺則負。駟注則利，準利準則久。和則安，駟欲弧而無折，經而無絕，進則與馬謀，退則與人謀。終日馳騁，左不捷，行數千里，馬不契，需終歲，御衣衽不敝，此唯駟之和也。勸登馬力，馬力既竭，駟猶能一取焉。良

斡環潛自伏兔不至軌七寸軌中有潛謂之國斡頤音珍

契苦結反需音須又乃亂

反潛子肖反一在學反

賈氏公彥曰此下還說四馬車之轅鄭康成曰頤與堅

忍貌揉之太深傷其力馬倚之則折揉之淺則馬若負

之御案注水之管中窮而兩端微下軌之不淺不深

似之則馬之引之也利而車行如準之平久者軌難弊

也安車無傾也上文言凡揉軌欲其孫而無弧深此申

明之言其形亦近於弧但不可太深而折欲其孫必循

木之經而毋絕其理馬駕車人御馬進退之易如與人

馬謀也健倦也契傷也需滯也終日馳而人不倦千里

行而馬不勞車行不搖動終歲御而衣衽無傷敝唯軌

之利是以安也左車左不言車右者右時下推車無取

乎安且或貳乘則無右也登進也勳登馬力善調馬力

而使進軌和則馬力雖竭猶可勉登極言軌之美也潛

漆也環潛者漆文如環伏兔至軌一尺四寸有奇自伏

兔不至軌七寸皆漆之軌中亦有漆膠粘堅固謂爲國

周官恆解

卷六

考工記

七

也 輶

軫之方也以象地也蓋之圜也以象天也輪輻三十以象日月也蓋弓二十有八以象星也龍旂九旂以象大火也鳥旗七旂以象鶉火也熊旗六旂以象伐也龜蛇四旂以象營室也弧旌枉矢以象弧也

旂音留

輿與軫皆方而軾最下故單言軾以象地輪與蓋皆圓而蓋居上故單言蓋以象天車輪轉運象日月之三十日而台璧蓋無遷移象經象之布天而無盈虧交龍爲旂諸侯之所建也尾火蒼龍之宿九星旂之正幅爲綦旂則別以帛爲之如其數綴於綦如冕之有旒爲鶉火也朱鳥之宿七星鳥隼爲廣州里之所建也熊虎爲旗師都之所建也伐白虎之宿與參連體而六星龜蛇爲旐縣都之所建也營室元武之宿與東壁連體而四星

御案車上皆建旌旗故因說旗旂之義上文蓋弓輪
輶已著日月星辰故不及三辰之常天子之旂以十一
爲節此言九旂七旂六旂四旂但節取以明其義故不
備舉且天子亦得兼下下不得兼上也此四旗皆平時
所建至弧旌枉矢則軍事所建也畫弧與枉矢於旌
以象天討弧妖星也弧矢相須爲用故畫弧必畫矢

攻金之工築氏執下齊冶氏執上齊鳧氏爲聲栗氏爲量

段氏爲鑄器桃氏爲刀

齊音

此下用錫多寡之法劑謂銅錫調和也多錫者爲下齊
少錫者爲上齊聲鍾鐸千之屬量豆區釜之屬鑄田器
之屬刀刀劍之屬金銀銅鐵錫爲五金禹貢惟金三品
專指揚州所貢黃白赤金黃金爲上白金爲中赤金爲
下赤金銅也

金有六齊六分其金而錫居一謂之鍾鼎之齊五分其金

而錫居一謂之斧斤之齊四分其金而錫居一謂之戈戟之齊參分其金而錫居一謂之大刀之齊五分其金而錫居二謂之削殺矢之齊金錫半謂之鑿鐃之齊

齊謂其分數劑量也金錫相和各有劑量或過不及則不當物而不適於用鉛名黑錫五金之母凡製金爲器非鉛不成六齊之錫卽此也六分四分等大槪謂其數若此

築氏爲削長尺博寸合六而成規欲新而無窮敝盡而無惡

筆自古有之字從竹以竹爲之亦有書刀以刻字則以金爲之皆謂之筆卽削也博潤也規圓也合六者謂刀勢彎曲六刀相合其形可成規新而無窮鋒利常如新也敝盡無惡其金良用敝而亦無瑕惡也

<p>周官恆解</p>	<p>御案四病皆由本不廣而生若從兩鋒相距六寸之末</p>	<p>援短折於前太下則內短無四寸而援長用之不疾</p>	<p>寸之處著於援與內之間則怡好如胡太上前則內長而</p>	<p>則鉤人不入已句胡頭太曲則鉤人不決戈胡正當三</p>	<p>寸援八寸戈之利主於胡用以鉤害人已倨胡頭大舒</p>	<p>向上為鉤內胡以內接柄者援直刃也內長四寸胡六</p>	<p>也取其深固垓量名蓋以土為之用以稱矢之輕重者</p>	<p>長一寸其圖亦一寸鋌箭鏃之入葉中者十之則一尺</p>	<p>治氏為矢與戈戟蓋矢人主箭羽而治氏主鏃也鏃刃</p>	<p>之胡四之援五之倨句中矩與刺重三鈇<small>徒頂反垓音</small></p>	<p>短內則不疾是故倨句外博重三鈇戟廣寸有半寸內三</p>	<p>之胡三之援四之已倨則不入已句則不決長內則折前</p>	<p>治氏為殺矢刃長寸圖寸鋌十之重三垓戈廣二寸內倍</p>
-------------	------------------------------	-----------------------------	-------------------------------	------------------------------	------------------------------	------------------------------	------------------------------	------------------------------	------------------------------	---	-------------------------------	-------------------------------	-------------------------------

緣倨句之外上下各四寸至本橫度之令博二寸圍其
內以爲刃如是安之則胡本外博處正當接入寸內四
寸之間而無已倨已句之病亦無長內短內之病矣倨
句卽句股之法但句股以長短言倨句以曲直言耳凡
磬折不中矩者謂之倨句故或指直者爲倨曲者爲句
或指在上者爲倨在下者爲句皆從兩端以求弦也上
倨句以曲直虛言此倨句以上下實指語雖異而理實
相通倨與句之背爲外對刃之彎處爲內倨句之中博
處爲本對兩端之銳處爲末鋒量名以金爲之專用以
稱製器者三鋒一斤四兩戟三鋒戟也兩邊皆安橫刃
長六寸中刃長七寸半橫刃下接柄處又長四寸半竝
廣寸半中矩言正方也刺著柄直前如鐮者御案戈
戟皆爲句兵以其有曲胡也而其用不止於鉤人戈有
援直刃可搯入其胡之曲刃可斬人戟有刺有援直上
皆可刺人其胡之曲下者可鉤人戈胡戟胡其形異戈
胡作倨句而外博胡背連於援形如雞鳴如擁頸而背
廣戟胡中矩橫貫援而曲下形如覆矩戈胡鉤人卽所
以傷人以其鉤處有刃也戟胡鋒直下而曲中無刃欲

生獲其人卽鉤之
此戈戟之異用也

桃氏爲劍臘廣二寸有半寸兩從半之以其臘廣爲之莖
圖長倍之中其莖設其後參分其臘廣去一以爲首廣而
圖之身長五其莖長重九錡謂之上制上士服之身長四
其莖長重七錡謂之中制中士服之身長三其莖長重五
錡謂之下制下士服之

臘魯類反一音獵從
子容反莖戶耕反

劍工稱桃以劍能辟除不祥也臘謂兩面刃從自脊中
而分兩邊直至劍末故曰從莖劍之鉞入夾中者穿其
中以夾鉞故謂之夾臘廣二寸半以此爲圖則八分有
奇長倍之則五寸也中其莖納莖於夾中設其後設飾
於夾後首廣劍把接刃之處三分臘廣去一以爲圖一
寸三分有奇圖圖之也蓋指兩相之出臘者言之所謂

劍鐔也一名鐔身劍身也莖長五寸五其莖之長合莖之長爲三尺四其莖之長合爲二尺五寸三其莖之長合爲二尺上中下制長短也上中下士人之身材也劍盡人可佩非若五兵必能用者始執之服佩也

覺氏爲鍾兩樂謂之鈇鈇閒謂之于于上謂之鼓鼓上謂之鈺鈺上謂之舞舞上謂之甬甬上謂之衡鍾縣謂之旋

旋蟲謂之幹鍾帶謂之篆篆閒謂之枚枚謂之景于上之

攢謂之隧

樂本又作攢力端反鈇先典反甬音勇旋如字又信犬反篆直轉反攢音靡密宜反又莫賀反

隧音

遂

鍾兼大小大爲鑪鑪小爲編鍾此下總言爲鍾之法樂鈇一物也俱謂鍾兩角古應律之鍾狀如今之鈴不叩故有兩角于鼓鈇舞皆鍾體也以上下而異名于鍾唇鼓所擊處鈇在鼓上鍾之正體故名鈇舞在鈇上聲震

動於此故名舞甬衡鈺柄也縱立於鍾頂者旒屬於鍾
柄以蟲爲飾其形如環有盤旋之義名之曰幹正固之
義篆介於于鼓鈺舞甬衡之間凡四迴故曰帶枚鍾乳
也鍾有兩面而皆三十六故曰枚景大星也乳似大星
故又謂之景鼎所擊之處隱在鼓
中窒而生半似夫隱故曰隱

十分其銑去二以爲鈺以其鈺爲之銑閒去二分以爲之
鼓閒以其鼓閒爲之舞脩去二分以爲舞廣以其鈺之長
爲之甬長以其甬長爲之圍參分其圍去一以爲衡圍參
分其甬長二在上一下在下以設其旋

凡鍾之制皆下侈而上斂銑之十分以其角之外侈者
言去十分之二則八分也鈺爲鍾之正體宜較寬故以
八分爲間與銑之徑相應以鈺閒爲主去二分以爲鼓
閒去二分以爲舞閒皆相埒舞脩卽舞也又去二分以

為舞廣蓋上略短也至於甬之長亦如鉦之長即以其
長為之圓衡居甬上又小於甬故又去一以為之圓旋
則穿於甬之正中者三分其
甬之長甬居二分衡居一分

薄厚之所震動清濁之所由出侈弇之所由興有說鍾已
厚則石已薄則播侈則柞弇則鬱長甬則震是故大鍾十
分其鼓閒以其一為之厚小鍾十分其鉦閒以其一為之
厚鍾大而短則其聲疾而短閒鍾小而長則其聲舒而遠
閒為遂六分其厚以其一為之深而圓之

說如字又始稅反柞側百反

御案上文言鍾之尺度已備此更言聲音在厚薄侈
弇之間體之厚薄所震動乃聲之清濁所由出而聲之
清濁又或興於形之侈弇故必厚薄侈弇適其宜而後
清濁得其分下文言厚薄侈弇而不及清濁以此說謂

授受有口訣也鄭康成曰太厚則聲不發太薄則聲散
柞讀爲柞聲大外也鬱聲不舒揚用長懸之不得所則
聲掉而動搖不定大鍾鋪鐸小鍾編鍾小者差薄十分
其鼓間鈺開大概言之良工臨製斟酌自當令厚薄恰
中以發其聲短間遠間其聲或太短或太長也遂所擊之處厚鍾之厚深謂望之也

樂氏爲量改煎金錫則不耗不耗然後權之權之然後準
之準之然後量之量之以爲鬴深尺內方尺而圓其外其
實一鬴其鑿一寸其實一豆其耳三寸其實一升重一鈞
其聲中黃鍾之宮槩而不稅其銘曰時文思索允臻其極
嘉量既成以觀四國永啓厥後茲器維則耗耗同呼報反
量之之量音貢

獨徒門反中知仲反稅音脫
一音駭索所自反觀古玩反

改煎重煎耗減也金錫之質不同凡金錫必重煎之至
不耗然後各權其數而合之以鑄準槌擊之使平正量
入模中四升曰豆四豆曰區四區曰鬴鬴六斗四升鬴
十則鍾量金汁入模以爲六斗四升之鬴其模深一尺
其內方一尺其外則圓之醫底也覆之其底深一寸可
容一豆耳在旁可舉者其體長三寸可容一升鈞三十
斤中黃鍾之宮叩之而其聲相近耳此蓋爲式以布之
民間使倣其制而以木爲之欲爲升則倣鬴耳欲爲豆
則倣鬴鬴不得妄自增損非盡以金爲之也稅過也槩
平槩而不得過時是也文文德允信也臻極皆至也言
是量之設雖若文飾而耐思索凡事必誠信以至其極
此嘉量既以示四方使無過不及是極也傳之于孫以
此器爲法

凡鑄金之狀金與錫黑濁之氣竭黃白次之黃白之氣竭
青白次之青白之氣竭青氣次之然後可鑄也

總言消涑金錫精麤之火侯
兼築治龜桃梨五氏言之

段氏

段氏蓋鍛
鍊金石者

函人爲甲犀甲七屬兕甲六屬合甲五屬犀甲壽百年兕

甲壽二百年合甲壽三百年

屬之樹
反音注

凡甲皆削革裏肉但取其表合以爲甲屬謂甲札相聯
一葉爲一札七六五屬言七六五札相繼也或專用犀
或專用兕皮爲之則七札六札合甲則合犀與兕爲之
凡札皆以下札之端接上札之半札札有兩重故堅也
革堅者
經人

凡爲甲必先爲容然後制革權其上旅與其下旅而重若

周官板解

卷六

考工記

辛

一以其長爲之圓凡甲鍛不摯則不堅已敝則橈

鍛丁亂反摯音

至

先爲容先相人形容恰容其身然後制革上旅要以上下旅要以下重若一上下同一輕重以其人之長爲廣狹鍛革須得法摯至也鍛之恰好則堅太熱則傷革而橈曲不堅也

凡察革之道眡其鑽空欲其窻也眡其裏欲其易也眡其

朕欲其直也藥之欲其約也舉而眡之欲其豐也衣之欲

其無齟也

空音孔窻於既反齟戶界反

窻小孔貌欲其鍼工密緻而線與革相比易治也皮裏欲其堅細無破損朕甲縫也縫欲正直不可斜曲卷而置之藥中欲其緊束取而出之藥中卻又豐展衣之於身無參差不平之處齟齬不齊也

眡其鑽空而窻則革堅也眡其裏而易則材更也眡其朕而直則制善也曩之而約則周也舉之而豐則明也衣之無齟則變也

更變也揉治之使熟爲變化之也制裁製周密緻明有光耀變變動活潑

鮑人之事望而眡之欲其茶白也進而握之欲其柔而滑也卷而搏之欲其無泄也眡其著欲其淺也察其線欲其藏也革欲其茶白而疾澣之則堅欲其柔滑而腥脂之則需引而信之欲其直也信之而直則取材正也信之而枉則是一方緩一方急也若苟一方緩一方急則及其用之

也必自其急者先裂若苟自急者先裂則是以博爲機也

卷而搏之而不迫則厚薄序也眠其著而淺則草信也察

其線而藏則雖傲不類

鮑作鞆音模茶音徒搏直轉反一音團著直畧反澣戶管反腥音屋

需人竟反信音申
機音踐類音吝

鞆柔韋之工不曰鮑人爲某而曰之事者其所治之皮
不一用也茶如茶之白以手握之必柔滑卷而束之欲
無虧邪著於物上不見其厚但見其淺則治之熱而膜
盡矣其線不露則巧密草必澣之而後如茶白然不欲
外居水中乃堅腥脂沾渥如脂需柔需也水澣之後引
而信之取材正而無緩急則無先裂之患機淺也以博
爲機謂以廣爲狹序停勻也信無縮緩也類讀
爲磨磷之磷縫縷藏於革中雖敝而縷不傷也

鞆人爲皋陶長六尺有六寸左右端廣六寸中尺厚三寸

穹者三之一上三正鼓長八尺鼓四尺中圍加三之一謂

之鼓鼓為皋鼓長尋有四尺鼓四尺倨句磬折韞音運陶徒刀反穹

區區反三作參七

南反鼓扶云反

皋陶鼓身之木也中廣兩頭狹乃有腹穹隆起貌謂腹

隆起者三之一也上鼓腹穹上處三正者以一版分

為三截上一截兩端各一截其背則平此蓋晉鼓也長

八尺其身四面鼓面也中圍就鼓面加三分之一蓋五

尺三寸有奇鼓鼓多用於軍旅宜聲大所以長八尺皋

鼓以鼓役事加長四尺而鼓面仍四尺但其倨句如磬

折不三直

凡冒鼓必以啓蟄之日良鼓瑕如積環鼓大而短則其聲

疾而短聞鼓小而長則其聲舒而遠聞

啓蟄始聞雷聲故以是日冒鼓古人以啓蟄為二月中
氣與今不同瑕皮敍也執急則章上有圓紋如環之積
為鼓之法大抵大而短則其聲疾而短聞小而長則其
聲舒而遠聞苟大而長則疾而遠聞小而短則舒而短
聞矣然鼓不一作鼓之法亦不一
此但言其概以俟後人之類推

常氏 闕

裘氏 闕

常氏治熟皮以為弁服之類裘氏則
製裘者如良裘功裘之類其篇已亡

畫續之事雜五色東方謂之青南方謂之赤西方謂之白
北方謂之黑天謂之玄地謂之黃青與白相次也赤與黑
相次也玄與黃相次也青與赤謂之文赤與白謂之章白

與黑謂之黼黑與青謂之黻五采備謂之黼

畫胡卦反

畫續一也以其分布色界曰畫以其會聚五色曰續畫續不一故統言之事天地四方各有一色或取相尅或取相配言其尅耳青白赤黑相尅玄黃相配木火相生而成文火金相尅而益章黼黻有位之服黼畫斧形取其能斷白黑易汙喻是非易消故畫以為黼黻兩亡相背取其能辨青變為黑甚易故畫以為黼五色備則五行合而成象煥然也

土以黃其象方天時變火以圓山以章水以龍鳥獸蛇雜

四時五色之位以章之謂之巧凡畫續之事後素功

申言雜天地五行之義土以黃為正色天本無形以時驗之而成其功用者則五行也火水分日月之氣以成象其質介乎虛實之間亦難繪出以圓象火以龍寓水皆會意耳金木則顯然有質故不言山亦土也而山多

草木物產其取象尤多故曰山以章鳥獸蛇各有善惡取其善者繪於衣裳旂常當以其事其物別之要而言之雜四時五色以章之在乎其工之巧故謂之巧也後素功古人繪事先施采色後加素色以別之所以後加素者為其易漬汚也

鍾氏染羽以朱湛丹秫三月而熾之淳而漬之三入為纁

五入為緋七入為緇

湛于潛反秫音述淳章均反纁許云反緋側留反

染布帛者有染人此專染羽以飾旌旗及王后之車朱草湛漬也以其汁漬秫成丹三月而烘熾使乾乃以丹秫淳而漬羽淳加厚意蓋染羽較布帛為難也染纁者三入而成染緋染緇者五入七入而成此染羽亦然夏翟之屬無須染其他則染之備諸色者以辨等威也

筐人

闕

幪氏凍絲以浼水漚其絲七日去地尺暴之晝暴諸日夜

宿諸井七日七夜是謂水凍藏音芒凍音練浼音銳反暴步卜反

幪氏凍絲以待染人之用浼水灰水漚浸漬之也暴諸日以陽氣溫之宿諸井以陰氣寒之則瑕垢去而光輝

發矣

凍帛以欄為灰渥渥其帛實諸澤器淫之以蜃清其灰而

盪之而揮之而沃之而盪之而塗之而宿之明日沃而盪

之晝暴諸日夜宿諸井七日七夜是為水凍櫛音練渥烏豆反盪音鹿

以欄木之灰數淋之為渥渥也澤器滑澤之器蜃蜃灰也淫以蜃灰浸淫之待其澄清矣則盪而出之揮去其灰又沃之以水又盪出之又以蜃灰塗之經宿明日又沃以水又盪出之則白矣更暴諸日宿諸井以發其光

盤踞之也

玉人之事鎮圭尺有二寸天子守之命圭九寸謂之桓圭

公守之命圭七寸謂之信圭侯守之命圭七寸謂之躬圭

伯守之

信音身

琢玉非一器故百之事凡圭銳首爲三角之形鎮鎮守義命圭天子所命於諸侯五等諸侯皆有命圭此不言子男闕文也公之承王如宮室之有桓楹故曰桓侯降於公而爲一邦之主猶仲也故曰信伯則少屈故曰躬尺有二寸以備天數九者陽數之極侯伯次之大宗伯言執以行禮故言執小行人用以合符故言用此鉞玉爲器以保其國故皆言守

天子執冒四寸以朝諸侯天子用全上公用龍侯用瓊伯

用將繼子男執皮帛

龍莫江反 璫才旱反

冒方四寸蓋繼橫高厚皆同

稍隆其上而塞其下以為

冒形取覆冒之義天子則用

純色玉為之上公用龍稍

有瑕不純潔也璫則半玉半

石有贊助意故曰璫將又

次之奉承而將助之意皆謂

冒也公侯伯覆冒一國亦

有此玉但其色有差耳繼子男執皮帛句上下必有闕文不敢強解

天子圭中必四圭尺有二寸以祀天大圭長三尺杼上終

葵首天子服之土圭尺有五寸以致日以土地裸圭尺有

二寸有瓚以祀廟

必府結反戚如字 一音畢杼直呂反

必同繼以組約中央防失墜蓋製圭時其中有限以便約之公侯以下皆有絢組以約圭或不盡中欺四圭中央為璧形四面各琢一圭璧即典瑞所云邸也大圭天子所搢也杼上殺其上終葵椎也其首六寸以下稍殺

使上爲椎頭而體則正方服播於衣帶之間也致日度
日景土猶度也土地度地制域裸圭始獻酌奠之圭璜
如盤天地大神至尊不祿宗廟人道也故有祿以祀廟

琬圭九寸而纁以象德琰圭九寸判規以除惡以易行璧

羨度尺好三寸以爲度

琬於阮反纁音早琰餘冉反羨異
賤反又習彦反好呼報反又呼老

反

鄭康成曰琬猶圓也首圓如規諸侯有德王命賜之則
使者執此以致命纁藉也象德琰圭首圓而稍銳琰其中爲兩歧故
親之意故曰象德琰圭首圓而稍銳琰其中爲兩歧故
曰判規諸侯有德及惡行天子使此以除之易之上圖
而下歧象包容之中有分別也賈氏曰羨不圓之貌好
璧孔也璧應圓徑九寸造時減廣一寸以益上下之表
一寸則上下一尺廣八寸也度量之物之度以爲度以十
寸之尺起度則爲丈爲引以八寸之尺起度則爲尋爲

常也

圭璧五寸以祀日月星辰璧琮九寸諸侯以享天子穀圭

七寸天子以聘女大璋亦如之諸侯以聘女

璋琮才宗反大璋十字從陳

祥道移於此

圭銳璧圓圭璧上銳以象天之用下圓以象天之體也其制五寸者殺乎祀天之璧又以象大璋之中方曰宗璧琮上方而下圓也享獻也諸侯以事天子象天子謙光下臨之意穀圭圭上刻為穀之形其長七寸聘禮納後加於束帛之上象養育中和之意諸侯則用大璋也

大璋中璋九寸邊璋七寸射四寸厚寸黃金勺青金外朱中鼻寸衡四寸有緹天子以巡守宗祝以前馬璫圭璋八

寸璧琮八寸以類聘牙璋中璋七寸射二寸厚寸以起軍

旅以治兵守

射食亦反勺土

三璋皆琮名射琰出向
頭鼻也衡同橫謂勺柄
上者也勺謂酒尊中鼻勺為龍
之勺形如圭璜天子有
龍頭凡勺之流皆為龍口三璋
邊之名則因山川之大小而異者也
璋以次而殺黃金青金皆銅也
諸侯之臣類聘不得執
君之命圭別有珠圭瑑象其上為文飾
璧琮不瑑而較
方二者皆以類聘視其事之大小而稍有異
牙之形取其能制人而人畏之中璋又牙璋之小者二
璋皆以起軍旅治兵守亦
因其事之大小而稍有異

駟琮五寸宗后以為權大琮十有二寸射四寸厚寸是謂

內鎮宗后守之駟琮七寸鼻寸有半寸天子以為權

駟音祖

鄭康成曰駟讀爲組以組繫之因以名焉宗尊也宗后或母后或祖母后或王后視其宮中現在之最尊者掌此圭以爲權量之法權稱錘也大琮亦宗后守之如天予之有鎮圭駟琮七寸者則天子掌之以爲權璧圓象天琮方象地莫高於天長短之所由生莫厚於地輕重之所由積故爲權用琮以法地也權度已頒於天下矣而又存其制於駟琮者慮其久而或失也

兩圭五寸有邸以祀地以旅四望琮八寸諸侯以享夫人案十有二寸棗栗十有二列諸侯純九大夫純五夫人以勞諸侯璋邸射素功以祀山川以致稍餼

勞力報反

邸底也兩圭其足兩相對享夫人鄭康成曰享於所朝聘君之夫人也案玉飾案也純猶皆也棗栗實於器乃加於案夫人諸侯夫人以勞諸侯蓋姻婭之諸侯其列亦十有二也邸射璋郭御之於郭御之處從下向上總

邪御之也素功無瑑飾山川四望之外所有山川皆是致稍係賓客在館主人使人稍之致之

柳人闕

雕人闕

磬氏爲磬倨句一矩有半其博爲一股爲二鼓爲三參分其股博去一以爲鼓博參分其鼓博以其一爲之厚已上

則摩其旁已下則摩其端

倨音據句音鉤端音端

句上曲者倨下直者倨句者磬折之法不整方如矩也一矩有半言其視如矩者稍舒也博廣也磬上廣爲博又上大處爲股下小處當擊者爲鼓又申言鼓博厚薄之大概三分其股之博去一以爲鼓博三分其鼓之博以其一爲之厚假如磬股廣四寸半則股長九寸鼓廣三寸則長尺三寸半厚一寸也已太也聲太高則摩鑑

其旁太下則
摩鏹其端

矢人爲矢鏹矢參分莠矢參分一在前二在後兵矢田矢

五分二在前三在後殺矢七分三在前四在後鏹音侯莠

趙氏溥曰矢人止爲矢箭其鏹則成於治氏特刮摩而

用之故列矢人於刮摩之上矢鏹長三尺鏹之前設刃

爲鏹與莠矢皆三分其鏹之三尺一尺在前以其有鏹

而重也二尺在後以其但有羽也後二尺之重與前一

尺相等則鏹前之鐵極重故其發遲而近射用焉兵矢

田矢鐵差短小兵矢曰枉矢絜矢田矢曰增矢五分其

鏹之三尺二在前三在後則在後尺有八寸與前尺有

二寸相等其發遠而火射用焉殺矢即莠矢也鐵又差

短小七分其鏹之三尺在後七分之四與前七分之三

相等則其發高而弋射用焉劉氏彝曰司弓矢所辨者

八矢而此所記止五矢又田矢兵矢司弓矢無有蓋司

同者皆該其中

參分其長而殺其一五分其長而羽其一以其筈厚爲之羽深水之以辨其陰陽夾其陰陽以設其比夾其比以設其羽參分其羽以設其刃則雖有疾風亦弗之能憚矣刃長寸圖寸鋌十之重三垸殺本又作網色界反筈古老反夾古洽反比毗至反憚都達反

又徒旦反鋌徒頃反垸音丸

藁長三尺三分殺一者殺前一尺令趣鏃也五分而羽一者約後六寸以受羽也筈即藁也以藁之厚爲羽之深量其力之所受也比箭括抵弦處陰陽者投筈於水必半沈半浮因刻記之就其中央設比則兩畔各有陰陽而輕重均否則或上輕下重或上重下輕低昂不得其準矣三分羽之長以設其刃蓋矢鏃出藁者二寸也

弗之能憚不畏風之振憾也刃長寸圖寸鋌十之長一尺也重三浣殺矢所獨

前弱則俛後弱則翔中弱則紆中強則揚羽豐則遲羽殺則越是故夾而搖之以眡其豐殺之節也橈之以眡其鴻殺之稱也凡相筈欲生而搏同搏欲重同重節欲疏同疏

欲橈

俛音免趨音躁予到反橈乃孝反稱尺證反相息亮反搏徒凡反

鄭康成曰言幹羽之病使矢行不正俛低也翔旋也紆曲也揚飛也豐大也遲緩也橈旁掉也夾而搖夾於兩指之間以搖之必其羽均平而無輕重橈擗其幹以試其筈之鴻殺相稱相擇生無瑕蠹搏團也其團同猶貴於重其重同猶貴於節之疏其疏同猶欲其色如栗而堅實御案筈多有用木者此特以竹言之舉一以見耳

陶人為甗實二鬴厚半寸脣寸盆實二鬴厚半寸脣寸甑

實二鬴厚半寸脣寸七穿鬲實五般厚半寸脣寸庾實二

般厚半寸脣寸甗音形鬲音歷般音斛庾羊主反

甗如甑有底而無孔所以盛米也鬴六斗四升厚半寸言其身脣寸言其口盆以盛米甑有底而七孔以通火

氣用之以蒸一曰鬲鬲則鼎之類所以烹飪其足中空斗二升曰鬴庾十六斗

瓶人為簋實一般崇尺厚半寸脣寸豆實三而成般崇尺

瓶方往反

簋豆皆盛黍稷崇高也古人席地而坐食用俎豆間亦用簋簋不特祭器也

凡陶瓶之事髻壘辟暴不入市器中膊豆中縣膊崇四尺

方四寸

馨讀為朗音月又音兀壘苦狠反薛音藥暴音剝一蒲到反

此總言陶旅之事馨同朗歆邪也壘頰傷也薛暴裂也暴墳起不堅致也膊轉均之式均以圓板為之面平而底隆置器之坏於土轉而旋之則圓正而厚薄高下適均又恐目力不準立膊於均之前以擬度之也豆有直柄懸與懸繩相應直也膊崇四尺方四寸既可以擬圓又可以擬方也

梓人為簣虞天下之大獸五脂者膏者羸者羽者鱗者宗廟之事脂者膏者以為牲羸者羽者鱗者以為簣虞奠息九反

本又作筍虞音

巨羸力果反

鄭康成曰樂器所懸橫曰簣直曰虞羸者虎豹貔獬淺毛之屬羽鳥屬鱗龍鱗之屬為牲致美味也為簣虞貴野聲也謂刻其形為簣虞之飾也

外骨內骨卻行仄行連行紆行以脰鳴者以注鳴者以旁
鳴者以翼鳴者以股鳴者以胷鳴者謂之小蟲之屬以為

雕琢

卻羌略反仄音側
紆乙俱反脰音豆

鄭康成曰外骨龜屬內骨鼈屬卻行蟻行之屬能兩頭
行仄行蟹屬連行魚屬紆行蛇屬脰鳴鼃屬注鳴精
列屬旁鳴蜉蝣屬翼鳴發皇屬股鳴蚣蝢動股屬胷鳴
榮原屬即脚蛇也此皆刻以飾祭器示庶物致享之意
厚脣弁口出目短耳大胷燿後大體短脰若是者謂之羸

屬恆有力而不能走其聲大而宏有力而不能走則於任

重宜大聲而宏則於鍾宜若是者以為鍾虞是故擊其所

縣而出其虞鳴

弁於檢反燿讀
為哨所敎反

弁小斂貌出目曰突而出耀順而小也凡猛獸有力者皆前竄後細故云大胃耀後山其虞鳴若其聲出於所刻羸屬之口也

銳喙決吻數目顧脰小體審腹若是者謂之羽屬恆無力而輕其聲清揚而遠聞無力而輕則於任輕宜其聲清揚而遠聞於磬宜若是者以爲磬虞故擊其所縣而由其虞

鳴數音促又粗角反顧古賢反

決吻口脰也顧長脰貌焉高舉意凡羽物胃腹多向上磬小物故以此爲虞

小首而長搏身而鴻若是者謂之鱗屬以爲箕搏徒丸反

搏圓也鴻大也賈氏公彥曰上論鍾磬之虞用鳥獸不同此論二者之箕同用龍蛇鱗物

凡攫網援籜之類必深其爪出其目作其鱗之而深其爪

出其目作其鱗之而則於眦必撥爾而怒苟撥爾而怒則

於任重宜且其匪色必似鳴矣攫俱博反網殺同又色界反籜音莖撥必末反

此言刻獸之形攫網如欲攫而殺之援籜如欲攬而噬之深其爪出其目又作其鱗之而之而動煩煩也此皆

可畏之貌撥起貌怒謂張其鬣鬣匪色不正之色易氏祓曰曲肖其形神則無聲者亦疑於有聲

爪不深目不出鱗之而不作則必黷爾如委矣苟黷爾如

委則加任焉則必如將廢措其匪色必似不鳴矣黷徒同反措七

故反

又反言以著其義黷爾如委頹廢不振廢措如棄置

梓人爲飲器勺一升爵二升觚三升獻以爵而酬以觚一
獻而三酬則一豆矣食一豆肉飲一豆酒中人之食也凡
試梓飲器鄉衡而實不盡梓師罪之

勺上灼反觚當作解
豆當作斗食一豆如

字

勺所以斲酒也觚當二升解三升一獻而三酬則滿一
斗食一豆肉三句言中人之食大概如斯故制器以此
爲率也衡平也凡試梓人飲器平爵鄉口而所實
之酒不盡則太深矣則梓師罪之凡工皆有工師

梓人爲侯廣與崇方參分其廣而鵠居一焉上兩個與其

身三下兩個半之上綱與下綱出舌尋緝寸焉

鵠古毒反
个讀爲幹

一如字緝
于貧反

御案梓人攻木者也當主爲侯植而詳言鵠及身與
个者必明其廣崇之度而後植乃相應也其縫布棲皮
畫正等事自有他工爲之崇高也方猶等也天子射禮
以九爲節高廣等則侯中當丈八尺也鵠所射也以皮
爲之各如其侯居侯中三分之一則鵠方六尺上个下
个皆舌也謂之舌者取其出而左右也身躬也侯制上
廣下狹九節之侯身三丈六尺上个七丈二尺下个五
丈四尺身居中當三丈六尺上个與其身三者身居一
分上兩個倍之也下兩個又半上个網連侯繩也舌維
持侯者緝籠網者網所以持侯而繫於植故網出舌一
尋緝所以持網而繫於
侯即圈子也故寸焉

張皮侯而棲鵠則春以功張五采之侯則遠國屬張獸侯
則王以息燕

皮侯以皮飾之鵠鵠小鳥難中故以中之爲雉天子
三侯用虎熊豹皮飾侯之側將祭大射以選士春官於

此論功故曰春以功也五采之侯以五采畫正之侯也其侯之飾又以五采畫雲氣以文為主明用文德而不用武之意遠國屬者諸侯朝會王張此侯與之射所謂賓射也獸侯畫獸之侯天子熊侯白質諸侯麋侯亦質大夫布侯畫虎豹土布侯畫鹿豕息燕君臣休息而燕

祭侯之禮以酒脯醢其辭曰惟若寧侯毋或若女不寧侯不屬於王所故抗而射女強飲強食詒女會孫諸侯百福

女音汝強技養反

御案凡射必獻獲者以其執事有功當受獻也獲者以侯為功故即以祭侯祭侯於梓人之職無與記者因三侯之用而牽連言之抑或梓人亦得與獻而及之歟其辭非仁人之言後人因射侯之侯與諸侯之侯字同而傳會為之會是聖人制禮而有是哉愚按侯必棲鵠其辭蓋指鵠而言鵠善飛難制如跳梁之徒故言惟汝

常安寧於侯所毋或如女不寧侯女不寧侯不屬於王
所故抗而射女是以女必寧侯強飲強食遺諸女會孫
諸侯亦受爾之百福也

廬人爲廬器戈秘六尺有六寸戈長尋有四尺車戟常會

矛常有四尺夷矛三尋廬魯吳反
秘音祕

廬器謂五兵之柄秘即柄也八
尺曰尋倍尋曰常會短夷長

凡兵無過三其身過三其身弗能用也而無已又以害人
故攻國之兵欲短守國之兵欲長攻國之人眾行地遠食
飲饑且涉山林之阻是故兵欲短守國之人寡食欲飽行
地不遠且不涉山林之阻是故兵欲長

人身八尺與尋齊三尋則極長而力亦竭矣過此不徒無益而反以害其身人即用兵器者攻國之兵遠攻人者守國之兵居守者短兵弓矢刀屬長兵戈矛屬

凡兵句兵欲無彈刺兵欲無蜎是故句兵裨刺兵搏擊兵

同強舉圍欲細細則校刺兵同強舉圍欲重重欲傳人傳

人則密是故侵之句音鉤彈徒旦反蜎於全反裨薄兮反

句兵戈戟屬彈掉也句兵掉則握之不固裨握處圓而微狹刺兵矛屬蜎轉動搏圓也握處圓則力強數擊同
戈屬同強上下相等舉手所握處校疾也謂句人或傷人疾也刺兵上下亦相等而舉處圍欲重重則著人而正密正也侵削也
削其舉處令合度

凡為戈五分其長以其一為之被而圍之參分其圍去一

以爲晉圖五分其晉圖去一以爲首圖

及長丈二尺五分取一則得二尺四寸爲把處而圖之被把中圖之圖之也晉同指矛戟下銅鐃可以挿地者被之長二尺四寸晉在下如被之圖而三分去一

凡爲酋矛參分其長二在前一在後而圖之五分其圖去

一以爲晉圖參分其晉圖去一以爲刺圖

御案及之舉圖短而矛之舉圖長者父殺兵也執其下端乃便於殺矛刺兵也其長二丈非僅舉其端遂可以刺故必近前三之一而後可以伸縮進退焉刺矛刃胸也凡柄身短者必稍粗長者必稍細及去三分之一以爲晉圖者其柄圖較粗也矛去五分之一以爲晉圖者其柄圖較細也更細則過弱而不可用

凡試廬事置而搖之以眡其娟也灸諸牆以眡其橈之均

也橫而搖之以眡其勁也六建既備車不反覆謂之國工

灸音救與

灸字異

謂而搖之監之於地上以手搖之以視其轉動上下周
關如一否然止得其中半以上而未得其中半以下故
又柱之兩牆之間搖之視其下半之強弱均否灸以火
灸疾灸者必暨艾於疾上故以樹諸牆為灸又橫置諸
膝上搖之以視其勁否六建五兵與人也車
不反覆樹兵車上馳騁動搖而其柄堅挺

匠人建國水地以縣置槩以縣眡以景為規識日出之景

與日入之景畫參諸日中之景夜考之極星以正朝夕

縣音

懸槩魚列反景

倚內反議音志

建國建王都及邦國也既得形勝之地矣乃以水平地
之法隨所在而各取其平縣縣繩以正柱也蓋柱非縣

不正地非水不平高下既定方位未審又置禁以測之
禁猶臬即表也以縣者懸繩以正其臬臬正則景正而
東西南北之方位乃定為規者畫地以成圓而中置臬
也識者視臬景之交規處以識其端而日出入之景東
西以正矣又取兩交相距中屈之以指臬則臬為正南
屈處為正北然猶恐規之未正也又畫參諸日中之景
夜考之極星蓋日中昏中乃天度之正以此時考之而
陰陽所會風雨所和得失均可以知云正朝夕者即一
日以該陰陽也

匠人營國方九里旁三門國中九經九緯經涂九軌左祖

右社面朝後市市朝一夫

涂音塗

營經營之方九里以經言週三十六里也旁三門一方
三門週十二門也經緯謂縱橫九軌謂轍迹言經緯可
容九車也王宮在中左祖右社而朝後市市朝會
官吏市聚商賈其地廣百畝一夫所受之地也

夏后氏世室堂脩二七廣四脩一五室三四步四三尺九

階四旁兩夾窻白盛門堂三之二室三之一

此將言明堂而先言夏殷之制明堂夏謂之世室脩以縱言廣以橫言夏度以步二十七十四步其廣益以四分脩之一則堂廣十七步半堂上為五室以象五行三四步十二步四三尺十二尺不言脩廣蓋方室也九階者南面三東西北各二也室有四戶四戶之旁皆有兩夾窻則五室二十戶四十窻白盛以蜃灰墜牆以成室門堂門側之堂一謂之塾室即門堂之室其脩廣門較正堂得其三分之二室居其三分之一

殷人重屋堂脩七尋堂崇三尺四阿重屋

重直龍反

重深遠意重屋王室正堂若大寢也其脩七尋五丈六尺崇三尺謂階也四阿四注屋重屋重簷也

周人明堂度九尺之筵東西九筵南北七筵堂崇一筵五

聖凡室二筵

度待洛反
一植路反

明堂明政教之堂取禮明而治之義夏度以步殷度以尋周度以筵筵長九尺九筵八丈一尺也七筵六丈三尺五室在明堂之後每室二筵則一丈八尺也按明堂之說不一因禮經廢闕其詳不可得聞也然以月令及此記考之則中央為正室其四面則青陽總章等名是也五方為正堂即各有正室故此記言五室為天子燕息之所其左个右个云云者每方又各有左右个以順月令而居之此明堂天子居之以出政教並非天子之常居國南門外亦有明堂祭祀文王於明堂之所逯狩亦有明堂皆彷彿此明堂之制為之漢武帝時濟南人公玉帶上明堂圖前人以其不經而置之然漢時去古未遠蓋亦有所傳授第六經無明文故諸儒不從也朱子謂明堂當有九室其義恐非其祀五帝於明堂亦南門外之明堂非王者發政教之明堂何也帝出乎震濟乎巽相見乎離天地功化至南而極盛五帝雖各有其方而總祀之於明堂以明相見之義五帝仍統於一帝也

其他紛紛曲說胥可無庸

室中度以几堂上度以筵宮中度以尋野度以步涂度以

軌

此下皆言周制五尺曰几六尺曰步七尺曰軌易氏祓曰隱几而坐者宜於室故室中度以几辨筵爲禮者宜於堂故堂上度以筵人之張臂爲八尺八尺之尋宜於宮中故宮中度以尋人之舉足爲六尺六尺之步宜於野故野度以步涂有三道車從中

廟門容大扇七个闔門容小扇參个路門不容乘車之五
个應門二徹參个內有九室九嬪居之外有九室九卿朝

焉九分其國以爲九分九卿治之

周古
樊反

周官恒解

卷六

考工記

夫

廟門大廟之門闕門旁出之門大肩牛鼎之肩每肩爲
一個長三尺七個二丈一尺小肩鼎之肩長二尺三
個六尺也路門大寢之門乘車廣六尺六寸五個三丈
三尺不容者言有其半也應門朝門徹通也二徹二門
爲複道以相通參個其上如個字之形也不容乘車之
五個言其廣狹之度二徹參個言其形二個字不同應
門外有皋庫雉三門其度如一可知鄭康成曰內路寢
之裏外路門之表也九室如今朝堂諸曹治事處九分
其國分國之職也愚按此二句申明外所以有九室之故

王宮門阿之制五雉宮隅之制七雉城隅之制九雉經涂
九軌環涂七軌野涂五軌

御案門阿門隅之樓也以其高於門故謂之阿宮隅
城隅皆謂阿也彼此互文言之設此者所以壯觀瞻故
遠則彌高此阿與般人四阿重屋之阿異雉飛不過一
丈五七九雉言其高也經涂城中之道環涂環城之道

門阿之制以為都城之制宮隅之制以為諸侯之城制環涂以為諸侯經涂野涂以為都經涂

都王子弟所封近王故其城卑而屈諸侯畿外諸侯必崇高始可以示威凡涂皆男子由右文子由左車從中夾故必營之有制

匠人為溝洫耜廣五寸二耜為耦一耦之伐廣尺深尺謂之畝田首倍之廣二尺深二尺謂之遂

洫虛滴反畝同舉遠反

御案溝洫木工也屬之匠人者匠人曉水平之法聚量地勢高下不爽蓄洩皆宜不致有誤抑更有水椿木版設為水準之處須用矩度繩尺焉田間水道遂溝洫洫川有五舉溝洫以該之耜耒頭金也其廣五寸兩人各執一耜同壟道而耕為耦伐發也一耦所發之土廣尺深尺謂之畝蓋古無牛耕兩人各執一耜伐土而成

畝乃可種物畝伐土成道如小渠也田首
謂水入田處廣深當二尺乃以便行水

九夫爲井井間廣四尺深四尺謂之溝方十里爲成成間
廣八尺深八尺謂之洫方百里爲同同間廣二尋深二仞
謂之澮專達於川各載其名

井田之法一井爲田九百畝其一爲公田八家共耕之
實九夫之地也故曰九夫爲井遂溝洫洫川皆田間水
道遂入溝溝入洫洫入澮澮入川此與遂入職參互言
之其實一也夫間有遂井間有溝以其在外者言之成
間有洫同間有澮以其在內者言之成間有洫非一成
之地包以一洫而已謂其間有洫也同間有澮非一同
之地包以一澮而已謂其間有澮也曰各載其名則知
達川者非止一澮推之溝洫皆然匠人特司工役其法
則受成於
遂人也

凡天下之地勢兩山之間必有川焉大川之上必有涂焉

申言天地有自然之山川如此故匠人爲溝洫等法必通水道以達於川而周流於天下

凡溝逆地防謂之不行水屬不理孫謂之不行梢溝三十

里而廣倍

防音勒屬如字孫音遜

地防地之脉理水道必順地勢而爲之逆則不行水屬謂凡水之屬水性亦各不同近人謂之水經不理孫不順其水經也必有橫決之患梢溝下流之溝也眾溝所匯必三十里而其勢乃舒廣亦倍於常溝此節所言之溝該澮川於其中非但言溝洫之溝

凡行奠水磬折以參伍欲爲淵則句於矩凡溝必因水勢防必因地勢善溝者水湫之善防者水淫之凡爲防廣與

崇方其網參分去一大防外網

淤色救反網色界反

奠定也奠水謂停水行停水當如磬折直行三折行五
多爲曲折以緩其勢然此謂清水也若濁水則易淤而
決故黃河以曲處爲險工句於矩常句曲於矩使水勢
倒向上句曲尺則爲迴淒而深爲淵漱之隄岸堅固水
漱齧而不潰淫之水能蓄而能放崇高也方等也高若
千廣亦若干也其或稍網則三分去其一分蓋大網則
不足以防水也大防外網者內隄必厚外隄稍網非如舊說也

凡溝防必一日先深之以爲式里爲式然後可以傳眾力

一日先深之以爲式者先彈一日之力掘一處以審水
勢之去來高下廣狹詳擬度之以此爲式然後如式掘
之里爲式者水行遠近不一則地勢亦不一大約一里
之間其勢卽殊又審度之以一里爲式其餘高下廣狹
可以類推而損益之傳眾力地勢有險夷人力有
難易既有此式然後可以分役眾力傳附着之義

凡任索約大汲其版謂之無任葺屋參分瓦屋四分困窮
倉城逾牆六分堂涂十有二分實其崇三尺牆厚三尺崇
三之

索繩也以繩約物謂之索約汲引也無任不勝任凡土
功必用版以繩約之然必版體堅厚爲本若恃繩約多
以引版則不足勝任爲防宜厚至葺草屋築堵則三分
其防之厚可也若瓦屋築堵則四分其防之厚葺草屋
上輕瓦屋上重故也困窮倉庫城倉外繚垣逾
度也度其困窮之大小倍六分以爲崇乃可固守之堂
涂堂前之道也堂高十尺則以其二分爲道實宮中水
道崇深也深三尺水乃易行牆厚三尺則其崇九尺乃
可蔽
宮

車人之事半矩謂之宜一宜有半謂之櫺一櫺有半謂之

柯一柯有半謂之磬折

有音又權張玉反

車人造車其事非一故云之事如畫續之事御案既有與人復設車人又不以類相從何也兵車田車國事所用自五路至棧車有爵者所乘故輪人與人輔人作之大車羊車柏車則任載所用及庶人之役車故車人作之而與人記所載式輶轡之度無一及焉蓋古者非有爵不得乘兩馬之車車人三車之輿皆狹而長專主任載故也矩長二尺六寸三分寸之二半矩當爲一尺三寸三分寸之一下文取宜爲尺度故先定宜之長短檣斲斤柄一宜有半蓋二尺柯長三尺磬折者人繫帶在四尺之上下有四尺五寸人磬折之節在此一柯加半正合人磬折之節也

車人爲耒鹿長尺有一寸中直者三尺有三寸上句者二尺有二寸自其鹿緣其外以至於首以弦其內六尺有六

寸與步相中也堅地欲直底柔地欲句底直底則利推句

底則利發倨句磬折謂之中地

底音刺七賜反又似斯反句音鉤中張仲反推湯雷

反中地之

中如字

耒耕器易曰揉木爲耒蓋古人耒耜均用木後始易之以金底耒下前面接耜處中直者耒之身句者人手所執之處也自底至首緣謂循而上之弦謂直而度之自其內望而直量之則六尺其六寸於弧曲處消之與步相中者人步六尺也堅地剛而難入故直底以利推柔地著而難起故句底以利發御案直底句底所爭無多不過比句者稍直直者稍句耳倨句磬折謂直底句底並中六尺之度蓋上句與下底兩曲相爲乘除消長而要以內弦六尺爲準謂之中地則堅地柔地悉中矣中者恰適使用之謂非以堅柔之間爲中也

車人爲車柯長三尺博三寸厚一寸有半五分其長以其

一爲之首轂長半柯其闔一柯有半輻長一柯有半其博三寸厚三之一渠三柯者三

御案駕馬之車以辨等威而尚飾其功密其事繁故輪人與人輔人並作而職事牛車惟主任載其功顯其事略直車人作之而已柯柄也首斧也凡造作皆用斧因以量物故先論斧柄長短及刃之大小斧刃謂之銎斧柄長三尺五分其長以其一爲首蓋六寸也半柯尺五寸一柯有半四尺五寸博三寸厚三之一則一寸也渠車輔所謂牙也三柯者三渠二丈七尺其徑九尺也

行澤者欲短轂行山者欲長轂短轂則利長轂則安行澤者反輳行山者仄輳反輳則易仄輳則完六分其輪崇以

一爲之牙闔

輳人九反易以鼓反

御案此制轂長短之通例澤泥恐其太安故欲利山險恐其太動故欲安輟謂輪也反輟反其木裏使與石相合輪首九尺六分取一以爲牙圍一尺五寸也

柏車轂長一柯其圍二柯其輻一柯其渠二柯者三五分其輪崇以其一爲之牙圍大車崇三柯綆寸牝服二柯有參分柯之二羊車二柯有參分柯之一柏車二柯

綆彼郢反又歌

冷反

柏車山車一柯三尺二柯六尺輻三尺兩輻相對亦六尺渠圍二柯者三爲丈有八尺輪高六尺五分取一則牙圍一尺二寸也大車平地任載之車崇三柯其轂長半柯御案綆之制詳見輪人此亦與之同但此輪大於彼輪則此綆寬於彼綆耳牝服卽較較卽車箱但兵車乘車較之前爲式式低較高故曰重較此則有較無

式前後平故亦曰平鬲也二柯長六尺又三分柯之二則長八尺也羊車善市謂其制較小便捷而安利耳非以羊駕之也二柯六尺又三分柯之一則七尺柏車六尺此皆言車箱長短之制也

凡爲轅三其輪崇參分其長二在前一在後以鑿其鉤徹

廣六尺鬲長六尺徹轅同廣六尺之六當作八鬲音輓於草反

賈氏公彥曰云凡爲轅則柏車羊車皆在其中輪崇雖不同其轅當各自三其輪崇鉤鉤心之木就中鑿之以鉤車箱者也徹謂牛軌一牛所駕故八尺鬲轅端壓牛領者其長止六尺

弓人爲弓取六材必以其時六材既聚巧者和之幹也者以爲遠也角也者以爲疾也筋也者以爲深也膠也者以爲和也絲也者以爲固也漆也者以爲受霜露也

鄭康成曰取幹以冬取角以秋絲漆以夏筋膠亦以時
聚猶具也和調適而用之王氏昭禹曰弓力在幹故以
爲遠弓所以疾發者其勢在角角幹資筋以爲堅刃以
射則中深故筋以爲深二者得膠然後相合故以爲和
結而固之在絲故以爲固漆而飾之在漆故以爲受霜露

凡取幹之道七柘爲上櫨次之槩桑次之橘次之木瓜次
之荆次之竹爲下凡相幹欲赤黑而陽聲赤黑則鄉心陽
聲則遠根凡析幹射遠者用執射深者用直居幹之道蓄
栗不迤則弓不發糖於力反槩於簞反相息亮反鄉許亮
反栗讀如裂反遠於愿反執勢同蓄側其反又側莫

幹以堅緻爲上惟竹材脆而本末不均故爲下赤黑者
其堅入心陽聲者其質厚而根盤結者遠用勢用其休

之本性而審其力之勢能遠幾何因其勢而用之用直則直取其堅勁深人而已居幹析幹也蓄謂其損傷栗中有結核也順理而直堅也析其幹而有蓄栗文理不順以之爲弓則不能發遠

凡相角秋稠者厚春稠者薄穉牛之角直而澤老牛之角絪而背疾疾險中穉牛之角無澤角欲青白而豐末夫角之本蹙於剗而休於氣是故柔柔故欲其執也白也者執之徵也夫角之中恆當弓之畏畏也者必橈橈故欲其堅也青也者堅之徵也夫角之末遠於剗而不休於氣是故肥脆故欲其柔也豐末也者柔之徵也角長二尺有五寸

三色不失理謂之牛戴牛

綱殺章忍

同戚色界反絪弟演反一反昔雌郝反瘠在亦反犬

音扶楚子六反又音促剡作腦乃老反畏
鳥回反橈尼敖反又女效反肥七歲反
秋氣歛而羽堅實春氣舒而角疎薄穉牛
直而澤老牛年久故紾而昔紾而昔文理
澤也疾疾久病險傷也中角裏瘠牛非病
四者之牛均非美材惟不老不瘠不疾不
之牛青白而豐末乃可下文申言之角之
而其美在氣盛近也休息也氣息於此是
其形執之曲何以知其本之美以色白驗
弓之得力處用角爲弓極當其中必橈橈
良材也以色驗其中之良角之末遠於剡
是故脆脆者氣不盛也豐末者柔而不脆
青末豐也不失理謂中度
牛戴牛一角直一牛也

凡相膠欲朱色而昔昔也者深瑕而澤紾而搏廉鹿膠青
白馬膠赤白牛膠火赤鼠膠黑魚膠餌犀膠黃凡昵之類

不能方

昔雖郝反搏徒九反
呢女乙反又音職

朱純赤也昔紋交錯也深瑕而澤紋深而潤澤紵而搏
廉續密而圓利餌色如餌鹿膠用其角魚膠用其膠馬
生犀鼠用其皮呢黏也凡物
之黏者皆不能比乃為美膠

凡相筋欲小簡而長大結而澤小簡而長大結而澤則其

為獸必剽以為弓則豈異於其獸筋欲倣之倣

剽匹
妙反

簡筋條也筋之小者貴乎條直而長大者貴乎續密而
潤獸之剽疾者如此以之為弓亦然治筋當極熟敝熟
也

漆欲測絲欲沈

測極清如可測度也絲欲沈乾
燥時其色還如在水凍之色

得此六材之全然後可以爲良

全無瑕病良善也 御案已上言選材之美已下言爲之之時與其方

凡爲弓冬析幹而春液角夏治筋秋合三材寒食體冰析
澣冬析幹則易春液角則合夏治筋則不煩秋合三材則
合寒食體則張不流冰析澣則審環春被弦則一年之事

液音亦澣予召反易以疏

反液角則合之合音治

幹欲堅而正故析於冬角欲和而溫故液於春液漬之也筋欲散而解故治於夏是三材者三時各治其一至秋乃以膠漆絲合之食定也寒食體者寒乃膠堅凝之候納之槩中往來之體乃定冰析澣者冰乃漆乾之時試之磨治漆之凝結愈固也易謂滑致治謂浹洽煩亂也合堅密也張不流張弓時不流散審環審其漆紋如

環不結自春至冬又至春乃被
弦而用之是其工事周一年也

析幹必倫析角無邪斲目必茶斲目不茶則及其大脩也
筋代之受病夫目也者必强强者在內而摩其筋夫筋之
所由憺恆由此作故角三液而幹再液厚其帑則木堅薄
其帑則需是故厚其液而節其帑約之不皆約疏數必侔

茶音舒憺昌廉反帑女居反
需汝遠反數音朔侔莫侯反

倫順其文理無邪正也目節曰茶舒徐也御案木之
節目強舒徐斲之令其分少寬乃不與筋相摩脩久也
下文又申言其故憺絕起也角三液而使柔幹再液而
使和帑幹上所觀木裨過厚則木強而不靈通薄則契
弱而無力厚其液即上文三液之事節厚薄勻稱也
約以絲膠橫纏之不皆約當約處乃約疏數必相稱

斷摯必中膠之必均斷摯不中膠之不均則及其大脩也
角代之受病夫懷膠於內而摩其角夫角之所由挫恆由
此作凡居角長者以次需恆角而短是謂逆撓引之則縱
釋之則不校恆角而達辟如終繼非弓之利也今夫菱解
中有變焉故校於挺臂中有柎焉故剽恆角而達引如終
繼非弓之利摯音至挫子卧反需汝遠反恆古鄧反又如
字校紀巧反辟當作引菱欺交反又音交解
戶隘反挺弟郢
反柎芳武反
摯至也斷摯斷之太甚斷膠均宜適中斷卽中而膠不
均亦能摩角而使之挫需用也角固以長爲貴然必視
幹之長短以次而用之恆竟也若因其長而竟用之太
短則爲逆撓引之而角縱不用力放之又不疾也校疾

也達長也終常也竟其角而用之太長則引弓之時如
常有所繼者不順利繼絆也菱解中謂弓隈與弓簫角
接之處有變謂弓簫與臂用力異引之則臂用力放矢
則簫用力既用力異故發矢疾挺直也肘手把處兩旁
貼以木剝亦疾也引
弓時亦如有所繼者

橋幹欲孰於火而無贏橋角欲孰於火而無煙引筋欲盡
而無傷其力鬻膠欲孰而水火相得然則居旱亦不動居
溼亦不動苟有賤工必因角幹之溼以爲之柔善者在外
動者在內雖諶於外必動於內雖善亦弗可以爲良矣

紀橋

天反燂音潛又
音尋鬻章呂反

賈氏公彥曰此言治幹角筋膠四者得所不得所之事
不言絲漆者用力少故也橋正也贏過熟燂炙爛也

御案引筋傳筋於幹須引之急乃無寬弛之病太甚傷力則筋又怒斷絕也不動謂耐旱溼幹之溼謂生也

凡爲弓方其峻而高其柎長其畏而薄其徹宛之無已應

下柎之弓末應將興爲柎而發必動於綱弓而羽綱末應

將發

畏鳥回反徹讀爲徹必藝反

連氏斗山曰峻弓墊柎弓把隈弓之曲蔽弓之裏宛之引之也言有此數善雖引之不己無不應手下柎謂柎太卑也柎卑則中弱無力發矢之時其病在末應將興謂矢將落而又起也若隈短而柎長引弓之時是專爲柎而發網角之接柎者亦必爲之動搖也夫綱與柎連乃最著力之處羽猶輕也弓而至於羽其綱則亦如下柎之弓末

應將發

弓有六材焉維幹強之張如流水維體防之引之中參維

角堂之欲宛而無負弦引之如環釋之無失體如環

堂直庚反

又抽庚反或之亮反

幹外五材皆依幹而有故六材之中惟幹爲強苟強弱得所則張弓之時如水之順適也體謂弓體卽幹也防之謂惟幹爲主五材皆視幹爲防中參居中而兩參之以幹爲主引之之時幹居中而五材參輔之其五材之中惟角尤爲得力如柱之有堂欲引之而無負弦之病釋之無所失其與幹體如環相屬不可輕也負弦辟戾也

材美工巧爲之時謂之參均角不勝幹幹不勝筋謂之參均量其力有三均均者三謂之九和九和之弓角與幹權筋三侔膠三錡絲三邸漆三甦上工以有餘下工以不足

勝去聲參讀爲三鈞音

劣又色劣反與羊主反

材既美工又巧爲之又得時謂之三均角不可勝幹幹不可勝筋三者得法又爲三均量其力幹角筋各有所勝或一石或二石三石又有三均三三而九謂之九和權平也倅等也鈔錢也邸與未聞蓋皆輕重之名弓以角幹筋爲主故相倅卽所謂角不勝幹二句之意其餘各有差等上工用之而有餘下工則拙而反多費材故不足

爲天子之弓合九而成規爲諸侯之弓合七而成規大夫之弓合五而成規士之弓合三而成規弓長六尺有六寸謂之上制上士服之弓長六尺有三寸謂之中制中士服之弓長六尺謂之下制下士服之

此據弓形不張而言郎氏兆玉曰天子諸侯大夫士之弓分爲四等以弓之美惡而別上士中士下士之弓分爲三等以弓之長短而言上中下泛言人之長短也

凡爲弓各因其君之躬志慮血氣豐肉而短寬緩以柔若是者爲之危弓危弓爲之安矢骨直以立忿執以奔若是者爲之安弓安弓爲之危矢其人安其弓安其矢安則莫能以速中且不深其人危其弓危其矢危則莫能以愿中

茶依注作舒中張仲
反愿音願一音元

志慮平日性情血氣秉質強弱茶舒也危弓弱安弓強奔奮疾也其人形體豐肉而短性情寬舒則爲之危弓其人形體堅瘦性情激發則爲之安弓若其人安而弓矢亦安則不能以速中即中亦不深其人危而弓矢亦

危則不能以確中愿專懋意然此特爲君上言耳君上萬幾不能時時習射故視其形體性情而爲之弓矢若士大夫庶人弱者可習爲強不在此例

往體多來體寡謂之夾與之屬利射侯與弋往體寡來體多謂之王弓之屬利射革與質往體來體若一謂之唐弓

之屬利射深

夾古洽反與音庚射食亦反

往來張弛也弛之則弓體往張之則弓體來夾與之弓合五而成規者王弓合九而成規者唐弓合七而成規者司弓矢主頒故各言所授之人弓人主爲故言其所用之利

大和無濇其次筋角皆有濇而深其次有濇而疏其次角

無濇合濇若背手文角環濇牛筋蕢濇槩筋斥燧濇

濇子肖反

有濶而深之上石經有角字背補
內反賁伏云反斥音尺夔於郭反
賈氏公彥曰大和九和之弓六材俱善故無漆濶也其
次筋在背角在隈皆有濶但深在中央兩邊無其次兩
邊亦有但疏耳不皆有其次角無濶謂隈裏無濶簫頭
及背皆有之弓之表裏濶台處若人台手背文相應角
環以下又言弓表裏之濶文角環濶隈裏濶文如環牛
筋黃濶弓背用牛筋漆如麻子文若用麋其濶文如斥
文夔

和弓較摩覆之而角至謂之句弓覆之而幹至謂之侯弓

覆之而筋至謂之深弓

較紀益反覆平屋反句音鉤

和調也將用弓恐角幹辟戾而不和必先擊摩之使相
覆詳審也至極善也角善而筋幹未善謂之句弓弓之
敝者也角善幹善而筋猶未善謂之侯弓上所謂利射
侯者也角幹善筋亦善謂之深弓上所謂利射深者也

弓有六材筋幹角用力多故特言之一善者爲敝二善者爲次三者全則爲尤良也

總論天道流行化生萬物不越乎陰陽闔闢之理春生夏長秋收冬藏何以藏諸一元之氣蘊於中黃生氣閉藏實以裕乎生生之本自其外著之迹觀之則特見其空虛而已王者法天立政冬令以安息民生爲義故其官名司空而國家凡有興作皆於此時蓋嚴冬之時民常苦寒勞其筋力發其陽和又農工旣畢無事而執公官以效忠敬之意義至當也秦火之後冬官散佚後人以考工記補之然工特藝事之一御案云司空之職居

四民時地利其大經大法無一存者誠篤論也或當時以授工師俾有成法至漢而猶傳其籍然卽工作之法歷代踵增亦有不能行於後世者矣特其文義簡古猶是先秦文字姑疏而存之若執其法以概後來則不可學者其致思焉